



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Illvstrivm Miracvlorvm Et Historiarvm Memorabilivm Lib.  
XII**

**Caesarius <Heisterbacensis>**

**Antverpiae, 1605**

De homine per Sanctum Iacobum à suspendio liberato, cap. 58.

**urn:nbn:de:hbz:466:1-13177**

procellas intumescentes, ventosque frementes illam  
cum fide leuauerunt; & ecce Dominus Apostoli sui  
meritis, quem de mari vocauit, suffragantibus, impe-  
ravit mari & ventis, & facta est in ipsa hor<sup>a</sup> tranquil-  
litas tam magna, ut omnes qui in nau<sup>i</sup> erant miraren-  
tur. Reuertentes verò Coloniam, denarios reddiderūt,  
pellem beato Andreae gratis offerentes, collati non  
immemores beneficij.

Matt. 6.

## CAPUT LVIII.

**C**uius quidam de Trajecto inferiori, cum filio ad *Defensum*  
*sanctum Iacobum* profectus est: accidit, si bene *Iacobus*,  
memini, ut in quadam loco hospes eius nescio  
quid perderet, & suspicionem de eo habens, furtum  
illi coram iudice ciuitatis imponeret. Quo negante,  
& dicente: Deus nouit & sanctus Iacobus testis est, me  
nunquam fuisse furum, neque furis socium. Verbis iu-  
dex non credidit, sed suspendij sententia innocentem  
damnauit. Videns filius patrem dānatum, nec aliquid  
ei prodesse fratrum testimonia, flens & ciulans dixit  
ad iudicem: Rogo vos domine, quatenus intuitu Dei  
& sancti Iacobi me suspendatis, patre meo dimisso:  
ego enim noui innocentiam illius. Cuius fletibus &  
instantia, tādem iudex victus, patrem absoluit, ipsum  
que suspendit. Pater verò tristis nimis cum sociis pro-  
cedens, & limina beati Iacobi visitans, ipsique pro  
anima filij supplicans, postquam ad locum suspensi-  
onis rediit, ait fratribus: Ecce fratres filius meus, pre-  
corvt paululum subsistatis, donec illum deponam &  
sepeliam. Audita voce patris, respondit: Bene venias  
pater, adhuc enim viuo; depositus ab eo, & interroga-  
tus, quānam esset causa tanti miraculi, ait: Sanctus  
Iacobus Apostolus ab ea hora, qua huic patibulo ap-  
pensus sum, vsque nunc, manibus suis sustentauit me:  
non esuriui, non sitiui, nihil doloris sensi, nec vñquam  
melius mihi fuit omnibus diebus vitæ meæ. Statimq<sup>ue</sup>  
pariter ad beatum properantes Apostolum, filius ve-  
rotum suum solueret, pater vt gratias rependeret, in-  
columes reuersi sunt in ciuitatem Traiectensem. Et  
idem miraculum in eadem ciuitate, sicut nobis re-  
tulit,

310 DE DIVERSIS VISIONIBVS

rulit Wilhelmus mona<sup>h</sup>us noster, ibidē Canonicus,  
valde celebre atque notissimum. APOLLONIVS: Stu-  
penda sunt quæ dicas. CÆSARIVS: Referam tibi  
aliud miraculum de sancto Thoma Apostolo, meo  
iudicio maius isto.

CAPUT LIX.

**I**N villa, quæ dicitur Holenbach, miles quidam  
habitauit nomine Gerardus; huius nepotes adhuc  
viuunt, & vix aliquis in eadem reperitur villa, quæ  
lareat miraculum, quod de illo dicturus sum. Hic san-  
ctum Thomam Apostolum tam ardenter diligebat,  
tam specialiter præ ceteris sanctis honorabat, ut nulli  
pauperi, in illius nomine petenti elemosynam, ne-  
garet: multa præterea priuata seruitia, ut sunt oratio-  
nes, iejunia, & missarum celebrationes illi impendere  
consuevit. Die quadam, Deo permittente, omnium  
bonorum inimicus diabolus ante ostium militis pul-  
sans, sub forma & habitu peregrini, in nomine sancti  
Thomæ hospitium petiuit: quo sub omni festinatio-  
re intromisso, cum esset frigus, & ille se algere sim-  
latet, Gerardus cappam suam foderatam, bonam sa-  
vis, quæ se fegeret iens cubitum, transmisit. Manè verò,  
cum is qui peregrinus videbatur, non appareret, &  
cappa quæsita, non fuisset inuenta, vxor marito irata  
at: Sæpe ab huiusmodi truttanis illusus estis, & adhuc  
à superstitionibus vestris non cessatis. Cui ille tráquili-  
lo animo respódit: Noli turbari, bene restituet nobis  
hoc damnum sanctus Thomas. Hęc egit diabolus, ut  
militem per damnum cappæ, ad impatientiam pro-  
uocaret, & Apostoli dilectionem in eius corde extin-  
gueret: sed militi cessit ad gloriam, quod diabolus  
præparauerat ad ruinam, & inde ille amplius est accé-  
sus, vnde iste confusus est ac compunctus. Nam paruo  
etenso tempore, Gerardus limina beati Thomę adi-  
re volēs, cum esset in procinctu positus, circulum au-  
reum in oculis vxoris in duas partes diuidens, easque  
coram illa conjungens, unam illi dedit, & alteram si-  
bi reseruauit, dicens: Huic signo credere debes, rogo  
etia<sup>m</sup> ut quinque annis redditum meū expectes, quibus  
expletis,